

Broj: 03-02-968/2025
Sarajevo, 09.07.2025. godine

**PARLAMENT FEDERACIJE
BOSNE I HERCEGOVINE**

- Predstavnički dom -
gosp. Dragan Mioković, predsjedavajući ✓
- Dom naroda -
gosp. Tomislav Martinović, predsjedavajući

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 11-07-2025			
Org. Jed.	Broj	Priloga	Vrijednost
01,02	- 02-	1105	125

PREDMET: Mišljenje Vlade Federacije Bosne i Hercegovine o Nacrtu zakona o dopuni Zakona o obrtu i srodnim djelatnostima u Federaciji Bosne i Hercegovine

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa odredbama člana 165. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08, 26/20 i 13/24) i sa odredbama člana 157. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09, 24/20 i 60/24), u prilogu Vam dostavljam **Mišljenje Vlade Federacije Bosne i Hercegovine o Nacrtu zakona o dopuni Zakona o obrtu i srodnim djelatnostima u Federaciji Bosne i Hercegovine, koji su predložili Amir Purić, Admir Čavalić i Slaven Raguž, poslanici u Predstavničkom domu Parlamenta Federacije Bosne i Hercegovine i Amra Babić, Jelena Pekić i Oliver Soldo, delegati u Domu naroda Parlamenta Federacije Bosne i Hercegovine, a koje je utvrdila Vlada Federacije Bosne i Hercegovine na 58. sjednici, održanoj 09.07.2025. godine.**

Mišljenje se dostavlja na službenim jezicima i pismima Federacije Bosne i Hercegovine.

S poštovanjem,



Prilog: kao u tekstu na bosanskom jeziku

Co: Federalno ministarstvo razvoja, poduzetništva i obrta
gosp. Vojin Mijatović, ministar

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Na osnovu člana 51. Poslovnika o radu Vlade Federacije Bosne i Hercegovine – Prečišćeni tekst – („Službene novine Federacije BiH“, br. 6/10, 37/10, 62/10, 39/20 i 67/21), a u vezi sa odredbama člana 165. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08, 26/20 i 13/24) i sa odredbama člana 157. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09, 24/20 i 60/24), nakon razmatranja Nacrta zakona o dopuni Zakona o obrtu i srodnim djelatnostima u Federaciji Bosne i Hercegovine, koji su predložili Amir Purić, Admir Čavalić i Slaven Raguž, poslanici u Predstavničkom domu Parlamenta Federacije Bosne i Hercegovine i Amra Babić, Jelena Pekić i Oliver Soldo, delegati u Domu naroda Parlamenta Federacije Bosne i Hercegovine, Vlada Federacije Bosne i Hercegovine je, na 58. sjednici održanoj 09.07.2025. godine, utvrdila

MIŠLJENJE

Na dostavljeni Nacrt zakona o dopuni Zakona o obrtu i srodnim djelatnostima u Federaciji BiH („Službene novine Federacije BiH“, broj: 75/21) koji su predložili Amir Purić, Admir Čavalić i Slaven Raguž, poslanici u Predstavničkom domu Parlamenta Federacije Bosne i Hercegovine i Amra Babić, Jelena Pekić i Oliver Soldo, delegati u Domu naroda Parlamenta Federacije Bosne i Hercegovine, a zbog realizacije Odluke Ustavnog suda (U-11/23) o neustavnosti koncepta komunalne takse na istaknutu firmu, kroz ugradnju iste u zakon, dajemo mišljenje: Zakonom o obrtu i srodnim djelatnostima u Federaciji BiH, kao posebnim propisom (lex specialis) su uređeni sadržaj, način i uslovi za obavljanje obrtničke, srodne djelatnosti i domaće radinosti i isti ne propisuje dopuštenost plaćanja taksi, niti su odredbe ovoga zakona bile pravni osnov za naplatu komunalne takse na istaknutu firmu.

Imajući u vidu da je uređivanje oblasti taksi u nadležnosti posebnih propisa koji regulišu tu oblast, smatramo da je prijedlog dopune Zakona o obrtu i srodnim djelatnostima u Federaciji BiH u kome bi stajala odredba o nedopuštenosti naplaćivanja takse na istaknutu firmu nezakonit, jer materija kojom se uređuje oblast taksi nije u nadležnosti Federalnog ministarstva razvoja, poduzetništva i obrta.

Smatramo da se jedan nezakonit i neustavan koncept, utvrđen od strane Ustavnog suda, kakav ima naplata komunalne takse na istaknutu firmu, ne može ozakoniti, sa odgodom primjene od 2 godine i na način da izaziva pravnu zabunu i stvara novu nezakonitost – propisivanjem odredbi o nedopuštenosti takse na istaknutu firmu, u zakonu koji nije ovlašten za uređenje oblasti taksi.

Zbog svega iznesenog, predlažemo da se već navedeni prijedlog odbije kao neosnovan i iznađe drugo zakonsko rješenje za realizaciju Odluke Ustavnog suda o neustavnom konceptu naplaćivanja takse na istaknutu firmu, koju putem odluke naplaćuju nadležni organi lokalne samouprave.

V. broj: 1169 /2025
09.07.2025. godine
Sarajevo

**PREMIJER**
Nermin Nikšić